

Գ. Գ. ՄԵՅՐԱՐԵԱՆՆԸ

մեկնեց **ԿԻՍՏՈՎՈՂՄԿ** (հանրային ջրեր)
Հիւանդների ընդունելութիւնը՝ Կոյսովայի
հիւրանոցում («ՆԱՐՁԱՆԻ» գալլերէայի
գիմաց)։

առ. 444. 3-2

Բ Ժ Ի Ծ Կ

ՄԱԿԱՐԵԱՆՑԸ

Մայիսի 15-ից վերսկսեց հիւանդների
ընդունելութիւնը
Պ Ե Ա Տ Ի Գ Օ Ր Մ Կ Ո Ւ Մ

Մասնագիտարար—միլզասեռական, վնեւ-
րական, սիֆիլիս և կաշուի հիւանդութիւնների
Հասցէն՝ Верхний Сулавль, д. Зиналовой.
(օ.մ.) առ. 401. 20—5

ՇԱՐԺՎԵՑԷՔ, ՀԱՅ ՀԱՐՈՒՍՏՆԵՐ

Այն յուսահատական ճիշը, ազգա-
կը, որ արձակեց ուսւ հրապարակա-
խօս Օլգենինը ամսիս 27-ի երեկոյեան
իր դասախօսութեան ժամանակ, ուղղ-
ված հազարաւոր հայ հասարակութեան
և հայ ինտելիգենցիային, որոնք խորին
լուսթեան մէջ ունկնդրում էին նրան,
ստիպում է մեզ ևս ձայն բարձրացնել
և կոչ անել հայ զբամատէրերին ու
սանել։

— Հայ հարուստներ, հայ կապիտա-
լիստներ, կատարեցէք ձեր մարդկային,
ազգային և մարդասիրական պարտքը։
Կատարեցէք, որովհետև եթէ յայպէջէք
կատարելու այդ պարտքը՝ մայր հայ-
րենիքը, Հայաստանը, ուր հազարաւոր
տարիներէից ի վեր հանդուս են մեր
նախնիքների աճիւնները, որ եղել
է որրան մեր ազգային բարբառկըր-
թութեան, հանդիսարան մեր պատ-
մութեան, մեր ժողովրդի հերո-
սական առաքինութիւնների և քաջա-
գործութիւնների, այդ հայրենիքը կան-
հետանայ։

Ռուս ճանապարհորդը վկայում է,
որ միակ լուսատու աստղը թիւրքա-
հայաստանի համատարած խաւար հօ-
րիզոնի վրա՝ Միացեալ Ընկերութիւնն
է, այն Ընկերութիւնը, որի բարգա-
ւաճման այնքան նպաստեցին առաջ
ուսասիայերը, Գր. Արծրունու կոչով,

այն Ընկերութիւնը, որ այսօր դպրոց-
ներ է բացում հեռաւոր և խուլ ան-
կիւններում, գիւղերում, բայց չէ կա-
րողանում լայն և ընդարձակ գործու-
նէութիւն ցոյց տալ, որովհետև չունի
անհրաժեշտ նիւթական միջոցները։

Ուրեմն անհրաժեշտ, հրամայողական
պահանջ է օգնել Միացեալ Ընկերու-
թեան, որ զեռ անցեալ տարի զիմեց
ուսասիայերին, խնդրելով օգնութիւն։

Սակայն, հակառակ եղած յորդոր-
ներին և կոչերին, ուսասիայերը մինչև
այժմ զլացան իրական օգնութիւն
հասցնել այդ վերին աստիճանի օգտա-
կար Ընկերութեան, այլ բաւականա-
ցան պլաստիկական համակրութեամբ։

Միացեալ Ընկերութիւնը և եգիպ-
տոսի Հայոց Ընդհանուր Բարեգործ.
Միութիւնը միակ հաստատութիւններն
են, որոնք մտածում են թիւրքահա-
յաստանի կրթութեան մասին, որոնք
դպրոցներ են բացում, հետևաբար,
պահպանում են հայ լեզուն, հայ գիրը,
հայ գրականութիւնը։

Եւ մի տարուց աւելի է, որ «Մշակը»
յորդոր է կարգում ուսասիայերին օգնու-
թեան ձեռք կարկառել այդ վերին աս-
տիճանի օգտակար և համակրելի հաս-
տատութիւններին, որպէսզի նրանք
կարողանան կատարել իրանց միասխան՝
գրագիտութիւն և ուսումն տարածել
Հայաստանի մէջ։ Եւ սակայն ուսաս-
իայերը զեռ անտարբեր և խուլ մնացին
այդ յորդորներին։

Հրապարակի վրա զբոված է դպրո-
ցական Փօնդի խնդրը, Փօնդի, որով
պէտք է յաւերժացնել համազգային
մեծ յօբելեանը։

Մենք առաջ ևս այն կարծիքն ենք
յայտնել, որ դպրոցական Փօնդը հա-
մազգային պէտք է լինի Թօնդը կը
պահպանվի էջմիածնում, սինօղում,
բայց նրա տոկոսիքները կը գործա-
դրվեն Ռուսաստանի, թիւրքիայի, Պարս-
կաստանի հայոց դպրոցների պահպա-
նութեան վրա։

Ուրեմն թող հանդէս գան հայ բա-
րեգործներ, հայ հարուստներ, նուի-
րելով կամ կտակելով որոշ գումարներ
թիւրքահայաստանի ուսման և կրթու-
թեան գործի համար, յօգուտ Միա-
ցեալ Ընկերութեան և Հայկական Բա-
րեգործական Միութեան։

Հ. Առաքելեան